

Wie sê vir jou jy is 'n gelowige?

"Moenie vir my sê jy is 'n gelowige nie; laat ek vir jou sê jy is een." Dit het ek iemand een keer hoor sê. Hy het bedoel ons geloof moet so duidelik sigbaar wees in alles wat ons doen dat ander mense dit maklik moet raaksien. Maar die feit is: dit gebeur nie aldag nie. Soms dra ons lewensboom nie goeie vrugte nie. Ons is nie altyd goeie advertensieborde vir God se liefde nie. Kleivoete is een van die minder aangename realiteite van ons elkeen se geloofslewe. Nee, dit is nie 'n verskoning nie. Dit is net wat dit is. Natuurlik hoort dit nie so nie. Maar dit is in sulke tye dat ons juis ook agterkom hoe genadig die Here met ons elkeen is.

As ons val, kom tel God ons elke slag op, soos wat Psalm 37 sê. Nee, Hy is nie blind vir ons oortredings nie. Ons sondes dra nie Sy goedkeuring weg nie. Alles behalwe. Maar die Here skryf ons nie summier af as ons struikel nie. Of as ons geloof klein is nie. Nooit hou ons op om Sy kinders te wees nie. Christus het veels te duur betaal vir ons elkeen, wat Hom aanroep as ons Heer, dat ons ooit uit Sy hand kan val. Hy weier om ons aan onself oor te laat. Ons is Syne vir tyd en ewigheid. In 1 Johannes 3:1 sê Johannes dit padlangs: "Kyk net watter groot liefde die Vader aan ons bewys het: Hy noem ons kinders van God. En ons is dit ook." Dit is ons hoop en ons anker. God self sê in Sy Woord vir ons: "Laat Ek vir jou sê wie jy is: Jy is my kind!"

deur Stephan Joubert

Gemeente – Algemeen

- Dank GOD vir Radiokansel & al die ander radiostasies wat SY Naam groot maak
- Bid vir Vaalpark gemeente se werksaamhede en elkeen wat ook leiding neem in die gemeente
- Bid vir die eredienste; ons lidmate; Onbeperk en ons predikante

Voorbidding

- *Bid vir Janine Vorster vir nabyheid vd Here
- *Bid vir Lottie Conradie & familie vir nabyheid van die HERE
- *Bid vir Maria Steyn vir volle genesing
- *Bid vir Sampie Swart vir nabyheid vd Here
- *Bid vir Ria Putter vir volle herstel
- *Bid vir Thea Bosman-sy het kanker
- *Bid vir Gerda Jansen vir volle herstel
- *Bid vir Vionette Forster vir volle herstel
- *Bid vir Monica (Hantie Terblanché) se dogter-sy het kanker
- *Bid vir mense wat COVID-19 het
- *Bid vir families wat geliefdes aan die dood afgestaan het
- *Bid vir Johan Kotze-hy is baie siek- bid vir volle genesing
- *Bid vir Tannie Marinda Jordaan-bid vir volle genesing
- *Bid vir Basie Roux-hy het kanker- vir volle genesing
- *Bid vir Carina Haasbroek- vir volle genesing-sy het kanker
- *Bid vir Marius vd Westhuizen – hy gaan vir 'n knieg operasie – bid vir die span dokters en vir volle herstel
- *Bid vir Serge & Nadeleen –bid vir volle genesing

Dank Gebede

- Dankie HERE vir elke nuwe dag wat U my skenk
- Dankie dat U, U **ENIGSTE SEUN** gestuur het om vir my aan die houtkruis te sterf
- Dankie HERE dat ek kan sit, opstaan, loop, lag, ruik, hoor, proe & omgee & dankie HERE dat U altyd daar is vir my!
- Dankie my GOD vir elke gebed wat gebid word & vir elke gebed wat U verhoor. Dankie dat U ons hand nooit sal los nie.
- Dankie vir U **wondergroot genade...**
- HERE, ek het U lief! AMEN

ONS TOEVLUG EN
BESKERMING WORD IN
GOD ALLEEN GEVIND

Net by God vind ek rus,
want op Hom vertrou ek.
Net Hy is my rots en
my redding, my veilige
vesting, sodat
ek stewig staan.

-Psalm 62:6-7-

LiefGodGrootdins.wordpress.com

Onthou om te onthou . . .

Byvoorbaat baie dankie vir jou dankoffer . . .

ABSA Sasolburg; Tjek Rekening

Rekno.: 0520580654

Takkode: 632005

Gedagte vd week

WEES STIL
EN WEET
EK IS GOD

PSALMS 46:11